



4. januar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Aningaasanut Inatsimmi Konto pingaarnermi 24.11.10-mi takuneqarsinnaavoq, sukkunik, kaffinik/thenik aamma sukkulaanik eqqussuinnermut akitsuut ukiumut 50 millioner koruunit missarpiaanni isertitsissutigineqartartoq. Tassunga atatillugu uku paasisaqarfigerusuppakka:
a: Akitsuutitigut isertitat ilaat qassit sukkuneerpat?
b: Sukkunut akitsuutitigut isertitaasartut ilaat qassit sukkulinnik tunisassiortunit soorlu kaaginik sikunillu najukkami sullivinninngaanneerpat?**
- 2. Naalakkersuisut misissorsimanerlugu najukkami suliffinnut sukkulinnik soorlu kaaginik sikunillu tunisassiortunut qanoq kinguneqarsimanersoq, najukkami suliffinnut akiliutitut taartisisarnerup 2007-mi atorunnaarsinneqarnera? Misissorneqarsimangippat Naalakkersuisunut nassuiaqqussavara sooq misissuisoqarsimanginnersoq.**
- 3. Naalakkersuisut isumaat naapertorlugu najukkami suliffiit akiliutitut taartisisarnerata eqquteqqinneqarnissaa inatsisitigut arlaatigut ajornartorsiutinik nassataqassanerluni soorlu WTO-p, EU aamma allat assigusut peqqussutaat eqqarsaatigalugit?**
- 4. Naalakkersuisut eqqarsaatigisinnaanerlugu sukkunut akitsuutit eqqarsaatigalugit akiliutitut taartisisarnerup atortussanngortinneqaaqqissinnaanera najukkami sullivinni sulliviit ataavartut pigiinnarnissaat qularnaarumallugu?**
- 5. Naalakkersuisut suliamut tunngasunik allanik soqutiginaatiinnik paasissutissaateqarpat?**
(Inatsisartunut ilaasortaq Justus Hansen, Demokraatit)

Tungavilersuut

2007-mi taamani naalakkersuisoqatigiisut aalajangerpaat tunisassiat ilaannut eqqussinnermut akitsuut qaffanniarlugu, ilaatigut sukkunut. Peqataanik aalajangerneqarpoq akiliutitut taartisisarneq atuuttoq atorunnaarsinneqassasoq. Akiliutitut taartisisarneq pissutaalluni sukkut eqqunneqartut pingajorarterutaannaat akitsuuteqartinneqartarput.

Maannalu ukiut qulit qaangiusimalerput taamaattumik paasissallugu soqutiginassaaq najukkami tunisassiortunut tamanna, tassa akiliutitut taartisisarnerup atorunnaarsinneqarnera qanoq kinguneqarsimanersoq. Aamma soqutiginassaaq paasissallugu Naalakkersuisut isumaqarnersut naapertuuttoq akiliutitut taartisisarnermut eqqaanartumik najukkami tunisassiortunut atulersitsisoqarsinnaanersoq.



DEMOKRAATIT
DEMOKRATERNE

2019-mut Aningaasanut Inatsit naapertorlugu sukkunut, kaffinut/thiinut, sukkulaanillu eqqussinermut akitsuut 50 millioner koruunit missaanni ukiumut isertitsissutaassaaq. Paasissallugu soqutigaara sukkuinnarnut akitsuut Landskarsimut qanoq isertitsissutaasimanersoq aamma sukkunut akitsuutip ilaa qanoq angitigisoq nioqqutissanit piariikkanit eqqunneqartartuneernersoq aamma akitsuutip ilaa qanoq angitigisoq najukkami tunisassiortartunit soorlu kaaginik sikunillu akilerneqartarnersoq.

Ullut sulliviit qulit naliginnaasut iluanni apequtinnut akissutit tigunissaannut qilanaarpunga.